

ՕԳՈՍՏՈՍԻ 24-Ը ՎՐԱՍՏԱՆԻ ՍԱՀՄԱՆԱԴՐՈՒԹՅԱՆ ՕՐՆ Է

# «ԵՐԿՐԻ ՍԱՀՄԱՆԱԴՐՈՒԹՅԱՆ ԵՎ ԱԶԳԱՅԻՆ ՀԱՆԵՐԻ ԴԱՇՏՊԱՆՈՒԹՅԱՆ ԱՌԱՔԵԼՈՒԹՅՈՒՆ»

Օգոստոսի 24-ին Վրաստանը նշեց երկրի Սահմանադրության օրը: Տոնի կապակցությամբ Վրաստանի նախագահի Հավաքարի նստավայրում կայացավ ընդունելություն, որին ներկա էին Վրաստանի նախագահ Սալոմե Ջուրաբիշվիլին, վարչապետ Մամուկա Բախտաձեն, երկրի գործադիր, օրենսդիր եւ դատական իշխանության գործող եւ նախկին անդամներ, Վրաստանում հավատարմագրված դիվանագիտական կորպուսի, երկրում գործող քաղաքական եւ հասարակական կազմակերպությունների ներկայացուցիչներ:



Ներկաներին խոսքով դիմեց Վրաստանի նախագահ Սալոմե Ջուրաբիշվիլին, վարչապետ Մամուկա Բախտաձեն, խորհրդարանի նախագահ Արչիլ Թալավաձեն, ուրիշներ: Նրանք Վրաստանի քաղաքացիներին եւ երկրի բոլոր երկրպագուներին շնորհավորեցին Վրաստանի Սահմանադրության օրվա կապակցությամբ:

Կառավարության ղեկավարի հայտարարությամբ՝ վրաց ազգի բազմադարյա պատմություն-

նը պայքար է ազատության համար եւ հենց ազատության համար պայքարն է արտացոլված Վրաստանի Սահմանադրությունում:

- Ես նկատի ունեմ բոլոր այն սկզբունքները, որոնք արտացոլված են Վրաստանի Սահմանադրությունում, որն ապահովում է ինչպես վրաց պետության ազատությունը, այնպես էլ՝ յուրաքանչյուր մարդու, յուրաքանչյուր քաղաքացու ազատությունը (Շարունակությունը՝ 4-րդ էջում)

## ԿՐԹԱԿԱՆ

### ՄԱՍՈՒԿԱ ԲԱՆՏԱԶԵ. «ՈՒՍՈՒՑԶԻ ՄԱՍՆԱԳԻՏՈՒԹՅՈՒՆԸ ԿԴԱՌՆԱ ԱՄԵՆԱՐԵՂԻՆԱԿԱՎՈՐԸ»

2019 ԹՎԱԿԱՆԻ ՀՈԿՏԵՄԲԵՐԻ 1-ԻՅ ՈՒՍՈՒՑԻՅՆԵՐԻ ԱՇԽԱՏԱՎԱՐՋԸ ԿԱՎԵԼԱՅՎԻ

Օգոստոսի 27-ին, նոր 2019-2020 ուսումնական տարվա նախօրեին Վրաստանի վարչապետ Մամուկա Բախտաձեն, երկրի կրթության, գիտության, մշակույթի եւ սպորտի նախարար Միխեիլ Բատիաշվիլին հանդիպում ունեցան Թբիլիսիի, Վրաստանի տարբեր տարածաշրջանների համայնքի ղարդներից հրավիրված մանկավարժների հետ: Վարչապետն ու նախարարը մանկավարժներին շնորհավորեցին նոր ուսումնական տարվա առիթով եւ խոսեցին այն նորամուծությունների մասին, որոնք ներդրվում

են ուսումնական գործընթացում: Ելույթ ունեցողներն առանձնապես կանգ առան ուսուցիչների սոցիալական կարգավիճակի հարցին, նշելով, որ արդեն 2019 թվականի հոկտեմբերից նախատեսվում է նրանց աշխատա-



վարձի էական ավելացում: (Շարունակությունը՝ 5-րդ էջում)

## ԴԻՐՔՈՐՈՇՈՒՄ

### ՄԱՆՈՍԵ ԶՈՒՐԱՔԻՇՎԻԼԻ. «ՎՐԱՍՏԱՆԻ ԵՎՐՈՊԱԿԱՆ ԶԳՏՈՒՄՆԵՐԸ ԵՐԲԵՔ ԶԵՆ ԵՂԵԼ ԱՅՍՊԵՍ ՀՍՏԱԿ»



րանի առջեւ՝ Սալոմե Ջուրաբիշվիլին ասաց, որ Վրաստանը պատրաստ է բոլոր ոլորտներում սերտ համագործակցություն ունենալ Եվրոպայի հետ:

- Վրաստանի օրինակը իսկապես տպավորիչ է:

Օգոստոսի 28-ին աշխատանքային այցով Ֆրանսիայում գտնվող Վրաստանի նախագահ Սալոմե Ջուրաբիշվիլին Փարիզում բացեց Եվրոպական բիզնես առաջնորդների համաժողովը, որին մասնակցեցին ավելի քան 700 բիզնեսմեններ, որոնց մեծ մասն ակտիվ գործունեություն է ծավալել Վրաստանի տարածքում:

Ելույթ ունենալով «Մեդեֆ» (MEDEF INTERNATIONAL) լսարանի առջեւ՝ Սալոմե Ջուրաբիշվիլին ասաց, որ Վրաստանը պատրաստ է անդամակցել Եվրամիությանը: Վրաստանի Եվրոպական ծագումները չեն եղել այսպիսի բարձր մակարդակի վրա:

Երբ ինձ ասում են, որ Եվրամիությունը երազանք է, պատասխանում եմ, որ Եվրոպայի պատմությունը իրականություն դարձած երազանք է: Ֆրանսիայի եւ Գերմանիայի հաշտեցումը, Գերմանիայի միավորումը եւ Եվրոպայի ընդլայնումը դեպի Արեւելք: Եվրոպան ոչինչ է, եթե այն չի երազում,- հայտարարել է Վրաստանի նախագահը եւ հավելել, որ Վրաստանը մեծ հույսեր է կապում այն (Շարունակությունը՝ 2-րդ էջում)

## ՀԱՅԱՍՏԱՆ

### ՆԻԿՈԼ ՓԱՇԻՆՅԱՆ. «ԱՐԽԱԶԻԱՅԻ, «ՀԱՐԱՎԱՅԻՆ ՕՍԵՔԻԱՅԻ» ԵՎ ԼԵՈՆԱՅԻՆ ԴԱՐԱԲԱՂԻ ՀԱԿԱՍԱՐՏՈՒԹՅՈՒՆՆԵՐԸ ՏԱՐԲԵՐ ԵՆ»

Օգոստոսի 28-ին Հայաստանի վարչապետ Նիկոլ Փաշինյանը, երկրի դիվանագիտական կորպուսի ներկայացուցիչների հետ հանդիպմանը, հանրագումարելով աշխարհի երկրներում Հայաստանի դիվանագիտական ներկայացուցչությունների աշխատանքի արդյունքները եւ ներկայացնելով առաջիկա խնդիրները, մասնավորապես, անդրադարձավ նաեւ տարածաշրջանային հակամարտությունների կարգավորման թեմային, ընդգծելով, որ Արխազիայի, «Հարավային Օսեթիայի» եւ Լեռնային Ղարաբաղի հակամարտությունները տարբեր են:

Հայաստանի վարչապետի խոսքով, միջազգային հանրությունը նույնականացնում է «Հարավային Օսեթիայի», Աբխազիայի, Մերձդնեստրի եւ Ղարաբաղի հակամարտությունները, որը Փաշինյանը համարում է խնդիր:



- Պարտադիր է, առանց ջանք խնայելու ցույց տալ այս հարցերի միջեւ ահեղի տարբերությունը: Մենք հստակ գրանցում ենք, որ օրինակ, «Հարավային Օսեթիայի» եւ Աբխազիայի բնակիչներն այսօր էլ կարող են գնալ Վրաստանի մայրաքաղաք՝ Թբիլիսի, տեղի շուկաներում վաճառել գյուղատնտեսական մթերք,

գնել անհրաժեշտ ապրանք եւ այնուհետեւ վերադառնալ «Հարավային Օսեթիա» եւ Աբխազիա, իսկ Ռուսաստանի քաղաքացուն Բաքվի օդանավակայանից վտարում են միայն հայկական արմատներ ունենալու պատճառով: Սա ավելի մեծ պատկերացում է տալիս ղարաբաղյան հարցի մասին, քան բազմաժամյա դասախոսությունները,- հայտարարել է Նիկոլ Փաշինյանը:

## ՏԱՐԱԾԱՆԵՐԶԱՆ

### ԴԱՏԳԱՄԱՎՈՐՆԵՐԸ ԾԱՆՈԹԱՑԱՆ ԵՆԹԱԿԱՌՈՒՅՑԱՅԻՆ ՆԱԽԱԳԾԵՐԻՆ

Վրաստանի խորհրդարանի Ծալկայից, Դանդիսիից մեծամասնական պատգամավոր Կախի Օքրիաշվիլին եւ Թբիլիսիի Վարկեթիլից մեծամասնական պագամավոր Գիորգի Մոսիձեն, Քվեմո Քարթլիի պետական լիազոր-նահանգապետ Շոթա Ռեխվիաշվիլու հետ, այցելեցին Ծալկայի մունիցիպալիտետ եւ հանդիպումներ ունեցան տեղի բնակիչների հետ:

Օրենսդիր մարմնի ներկայացուցիչները գործադիր իշխանության անդամների հետ ծանոթացան տարածաշրջանում իրականացվող ենթակառուցային նախագծերի ընթացքին, տեղացիների հետ քննարկեցին հաջորդ տարվա առաջնահերթային հարցերը:



Որպես առաջնահերթային տեղացիները ընդգծեցին բնակավայրերի գազիֆիկացման անհրաժեշտությունը: Իշխանության ներկայացուցիչները նրանց մանրամասն տեղեկատվություն հանձնեցին այդ ուղղությամբ իրականացվող աշխատանքների մասին եւ նշեցին, որ երկրամասում գազիֆիկացման գործընթացը կսկսվի 2020 թվականից:

Ինչպես հայտարարեց Քվեմո

Քարթլիի երկրամասում պետական լիազոր-նահանգապետ Շոթա Ռեխվիաշվիլին, 2019 թվականին Ծալկայի մունիցիպալիտետում իրականացվելու են ենթակառուցային 78 նախագծեր՝ 6 միլիոն լարիի ընդհանուր արժեքով: Իրականացվող նախագծերը նախատեսում են ճանապարհային ենթակառուցվածքի կրթական եւ բուժական օբյեկտների բարելավում: Ակտիվ աշխատանքներ են իրականացվում գյուղի աջակցության ծրագրով նախատեսված նախագծերի հաջող իրականացման ուղղությամբ:

**ԷՂԳԱՐ ՄԱԶՄԱՆՅԱՆ**

ԴԻՐՔՈՐՈՇՈՒՄ

ՍԱԼՈՍԵ ԶՈՒՐԱԲԻՇՎԻԼԻ. «ՎՐԱՍՏԱՆԻ ԵՎՐՈՊԱԿԱՆ ԶԳՏՈՒՄՆԵՐԸ ԵՐԲԵՔ ԶԵՆ ԵՂԵԼ ԱՅՍՊԵՍ ՀՍՏԱԿ»

(Սկիզբը՝ 1-ին էջում)

Եվրոպական հավակնությունների վրա, որոնք անց է կացնում Ֆրանսիայի նախագահ Էմանուել Մակրոնը:

- Ես ասել եմ նախագահին եւ նորից եմ կրկնում, Վրաստանը ցանկանում է եվրոպական վերածննդի նախագծի հաջողություն,- նշել է Սալոմե Զուրաբիշվիլին:

Իր խոսքում Վրաստանի նախագահն անդրադարձավ նաեւ բռնազավթված տարածքների թեմային:

- Հավատում եմ, որ կգա ժամանակ, երբ Աբխազիան եւ Հարավային Օսեթիան խաղաղ ճանապարհով կվերադառնան Վրաստանի միասնական պետական տարածք: Իմ գլխավոր ցանկությունն ու հիմ-

նական նպատակն այն է, որ դա տեղի ունենա մոտ ապագայում, իմ նախագահության ժամկետում, ինչի համար ես կօգտագործեմ բոլոր ուղիներն ու միջոցները:

Սալոմե Զուրաբիշվիլու խոսքով՝ ինքը լինելու է այն բանի երաշխավորը, որ Աբխազիայի եւ Հարավային Օսեթիայի բնակիչները «ունենան արժանավայել կյանք, ընտրության իրավունք եւ խոսքի ազատություն, ինչպես որ Վրաստանի բոլոր քաղաքացիները, չնայած նրանց էթնիկական ծագմանը:

Վրաստանի նախագահի հավաստմամբ՝ Վրաստանի իշխանությունները հնարավոր ամեն ինչ անում են՝ լուծելու Աբխազիայի եւ Հարավային Օսեթիայի բնակիչների խնդիրները հումանիտար,

բժշկական ու կրթական ոլորտներում, ինչպես նաեւ բիզնեսի բնագավառում՝ «նրանց ծանր սոցիալական ու տնտեսական դրության պատճառով»:

Իր խոսքում Վրաստանի նախագահն առաջադրեց նաեւ Ռուսաստանի հետ երկխոսության վերսկսման պայմանները:

- Ռուսաստանի հետ ինչ-ինչ շփումներ ունենալու, դրանք վերսկսելու համար մեզ անհրաժեշտ է հստակ հասկանալ, որ Ռուսաստանի դիրքորոշման մեջ փոփոխություններ են տեղի ունեցել այնպիսի փոքր հարեւանի նկատմամբ, ինչպիսին մենք ենք: Նաեւ Ռուսաստանը պետք է ընդունի, որ հարաբերությունները չեն կարող կառուցվել հարկադրանքով,- ասել է նախագահը:

ՈԼՈՐՏ

ԿՍՏԵՂԾՎԻ ԱՐԴՅՈՒՆԱԲԵՐՈՒԹՅԱՆ ԶԱՐԳԱՅՄԱՆ ՆՈՐ ԳԵՐԱՏԵՍՉՈՒԹՅՈՒՆ

**Տարածված տեղեկատվության համաձայն, 2020 թվականից շրջակա միջավայրի եւ գյուղատնտեսության նախարարությունում կգործի երկու նոր գերատեսչություն՝ Վճարային գործակալությունը եւ Կառավարչական բաժինը:**

Ինչպես տեղեկացրել է Հանրային հեռարձակողը, այս կառույցների ստեղծումը նախատեսված է «Գյուղի եւ գյուղատնտեսության զարգացման ռազմավարություն» փաստաթղթում, որը կառավարությունը հրապարակել է անցյալ շաբաթ՝ հանրային քննարկման համար:

Կառավարչական բաժնի հիմնական գործառույթը կլինի ռազմավարության մշակումը, դրա իրականացման համակարգումը, ինչպես նաեւ իրականացման մոնիթորինգը եւ զննհատումը:

Վճարային գործակալությունը, իր հերթին, գյուղատնտեսության նախարարության իրավասության ներքո, կապահովի

ռազմավարության գործողությունների ծրագրով նախատեսված գործունեության իրականացումը:

Ըստ փաստաթղթի՝ կթարմացվի գյուղական զարգացման միջգերատեսչական համակարգման խորհրդի կազմը եւ կառուցադրությունը:

Փաստաթղթում նշված է, որ 2012 թվականից ի վեր, չնայած գյուղատնտեսության ոլորտում լայնածավալ ներդրումներին, գյուղական տիպի տարածքը դեռեւս կանգնած է բազմաթիվ մարտահրավերների առջեւ: Նոր նախաձեռնությունը հարցի կարգավորման հնարավորություն է ընձեռում:

ԴԻՄԱԿԱՅՈՒԹՅԱՆ ԳՈՏԻ

ԻՆՔԵԱՆՈՉԱԿ ԴԵՏՈՒԹՅԱՆ «ՆԱԽԱԳԱՀԱԿԱՆ» ԸՆՏՐՈՒԹՅՈՒՆՆԵՐԸ

ԱՇԽԱՐՀԻ 15 ԴԵՏՈՒԹՅՈՒՆՆԵՐ, ԱԲԽԱԶԻԱՅԻ ԱՅՍՊԵՍ ԿՈՉՎԱԾ «ՆԱԽԱԳԱՀԱԿԱՆ» ԸՆՏՐՈՒԹՅՈՒՆՆԵՐԸ ԶԵՆ ՃԱՆԱԶՈՒՄ

**Օգոստոսի 25-ին, ինքնահռչակ Աբխազայում անցկացվեցին այսպես կոչված «նախագահական» ընտրություններ, որոնց, ըստ տեղական Կենտրոնական ընտրական հանձնաժողովի տեղեկատվության, մասնակցել է գրանցված 129 հազար 421 ընտրողներից 86 հազար 138-ը, ինչը կազմում է 66,55 տոկոս: Աբխազիայի գործող նախագահ Ռաուլ Խաչիմբան եւ «Ամ-ցահարա» ընդդիմադիր կուսակցության նախագահ Ալխաս Կվիցինիան անցել են երկրորդ փուլ, համապատասխանաբար, ստանալով 20 հազար 544 (23,85 տոկոս) եւ 18 հազար 929 (21,97 տոկոս) ձայն:**

«Նախագահական» ընտրություններն արեւելյան երկրորդ փուլը, հավանաբար, կանցկացվի սեպտեմբերի 8-ին:

Աբխազիայի ինքնահռչակ հանրապետության «նախագահական» ընտրությունների կապակցությամբ՝ Վրաստանի արտաքին գործերի նախարարությունը տարածեց հայտարարություն, որտեղ խստորեն դատապարտեց դրանց անցկացումը, նշելով, որ անջատողականների կողմից իրականացվող նման քայլերը է՛լ ավելի են բարդացնում հակամարտության կարգավորմանն ուղղված բանակցային, առանց այդ էլ բարդ գործընթացը:

Աբխազիայում անցկացված ընտրությունների կապակցությամբ՝ համատեղ հայտարարություն են տարածել

նաեւ 15 պետություններ. Ամերիկայի Միացյալ Նահանգները, Կանադան, Մեծ Բրիտանիան, Բուլղարիան, Չեխիան, Եստոնիան, Ֆինլանդիան, Իռլանդիան, Լատվիան, Լիտվան, Լեհաստանը, Ռումինիան, Շվեդիան, Նորվեգիան եւ Ուկրաինան չեն ճանաչում Վրաստանի տարածաշրջանում, դե-ֆակտո իշխանությունների կողմից անցկացրած այսպես կոչված «նախագահական» ընտրությունները: Հայտարարության մեջ նշված է, որ այս 15 երկրները չեն ճանաչում նաեւ Վրաստանի տարածաշրջանում, Ցխին-վալիում 2019 թվականի հունիսի 9-ին տեղի ունեցած այսպես կոչված խորհրդարանական ընտրությունները:

«Մենք հաստատում ենք մեր լրիվ

աջակցությունը Վրաստանի տարածքային ամբողջականության ու ինքնիշխանության հանդեպ, միջազգայնորեն ճանաչված սահմաններում: Մենք մեկ անգամ եւս կոչ ենք անում Ռուսաստանին կատարել 2008 թվականի իրադարձի համաձայնագրով ստանձնած պարտավորությունները, այդ թվում՝ դուրս բերի իր զորքերը մինչ հակամարտության դիրքերը եւ ապահովի տարածաշրջանում մարդասիրական օգնության մատակարարումը: Կոչ ենք անում նաեւ վերացնել Վրաստանի անջատողական տարածաշրջանների՝ Աբխազիայի եւ Հարավային Օսեթիայի անկախության ճանաչման մասին որոշումը»,- ասված է 15 երկրի համատեղ հայտարարությունում:

ՄԻՋԱԴԵՊԵՐԻ ԿԱՆԽՄԱՆ ԵՎ ԱՐՁԱԳԱՆՔՄԱՆ ՄԵԽԱՆԻԶՄԻ ՇՐՋԱՆԱԿՆԵՐՈՒՄ ՀԱՆԴԻՊՈՒՄԸ ՏԱՊԱԼԿԵՑ

**Ինչպես հայտարարեց Վրաստանի պետանվտանգության ծառայության տեղեկատվական վերլուծական դեպարտամենտի պետի տեղակալ Իրակլի Անթոնի, օգոստոսի 30-ին Էրզնեթիում տապալվեց միջադեպերի կանխման եւ արձագանքման մեխանիզմների շրջանակներում ծրագրված հանդիպումը:**

Իրակլի Անթոնիի խոսքով, հանդիպմանը վրացական կողմը բարձրացրելու էր դիմակայության գոտում գտնվող Չորջանա գյուղում ստեղծված իրավիճակի հարցը: Նրա հավաստմամբ՝ հանդիպման տապալումը հիմնականում պայմանավորված է Ցխինվալիի դե-ֆակտո իշխանության ներկայացուցիչների դիրքորոշմամբ:

Նշենք, որ, այսպես կոչված, Հարավային Օսեթիայի պատվիրակությունը վերոնշյալ հանդիպման տապալումը պայմանավորում է դիմակայության գոտու այդ հատվածում վրացական պահակների վերացման պահանջի մերժմամբ:


Մեկնաբանելով հերթական 95-րդ հանդիպման տապալումը, Վրաստանի հաշտեցման եւ քաղաքացիական իրավահավասարության հարցերով պետնախարար Քեթեան Ցիխելաշվիլու խոսքով, ինքնահռչակ հանրապետության իրավապահ ուժերը բռնազավթված տարածքում եւ դրանից դուրս իրականացնում են ռազմական օբյեկտների շինարարություն: «Բնա-

կանաբար, մենք չենք կարող անտ ա ր բ ե ր մնալ նման գործողությունների

կապակցությամբ, առավել եւս, երբ խոսքը վերաբերում է Վրաստանի կենտրոնական իշխանության կողմից վերահսկվող տարածքներին»,- հայտարարեց Քեթեան Ցիխելաշվիլին:

Եվրամիության դիտորդական առաքելությունը տարածել է հայտարարություն Էրզնեթիում ծրագրված հանդիպման տապալման կապակցությամբ: Դիտորդական առաքելությունը հույս է հայտնել, որ վիճադարար խնդիրը կկարգավորվի մինչեւ սեպտեմբերի 2-ին ծրագրված հանդիպումը:

ՄԻՍՈՆ ԿԻԼԱԶԵ



G7

ԿՈՍՅՈՒՆԻԿԵԻ ՓՈԽԱՐԵՆ՝ ՀԱՄԱՏԵՂ ՀԱՅՏԱՐԱՐՈՒԹՅՈՒՆ

Օգոստոսի 26-27-ին ֆրանսիական Բիարիցի քաղաքում անցկացվեց յոթ առաջատար երկրների խմբի՝ G7-ի ղեկավարների հերթական 45-րդ համընկալումը եւ պատմության մեջ առաջին անգամ մասնակից պետություններին չհաջողվեց ընդունել վերջնական կոմյունիկե: Փոխարենը գազաթաժողովի արդյունքում երկրները համոզեւ եկան հայտարարությամբ: Մասնավորապես, Իրանի վերաբերյալ արձանագրվում է՝ բացառել Իրանի կողմից միջուկային զենքի ձեռքբերումը եւ հասնել տարածաշրջանում խաղաղության եւ կայունության հաստատմանը, Ուկրաինայի պարագայում նշվում է, որ մոտակա շաբաթներում անց է կացվելու Նորմանդական քառյակի ձեւաչափով հանդիպում:

Առանցքային անհամաձայնության թեմաներից էր ԱՄՆ դիրքորոշումը Չինաստանի հետ առետրային հարաբերություններում: Բուռն քննարկումների պատճառ է դարձել նաեւ ԱՄՆ նախագահի առաջարկը՝ վերականգնել G8 ձեւաչափը՝ հաջորդ գազաթաժողովին հրավիրելով նաեւ Ռուսաստանին:

ՄԵԾ ԲՐԻՏԱՆԻԱ ԽՈՐՀՐԴԱՐԱՆԻ ԱՇԽԱՏԱՆՔԸ ԿԱՍԵՑՎՈՒՄ Է ՄԻՆՉԵՎ ՀՈԿՏԵՄԲԵՐԻ 14-Ը

Մեծ Բրիտանիայի վարչապետ Բորիս Ջոնսոնը հայտնել է, որ բրիտանական խորհրդարանն իր աշխատանքը դադարեցնում է մինչեւ հոկտեմբերի 14-ը, ընդամին Ջոնսոնը հերքել է այն հայտարարությունը, թե խորհրդարանի նիստերի հետաձգումը կոչված է խանգարել Համայնքների պալատի պատգամավորներին՝ արգելափակելու առանց Brexit-ի պայմանների վերաբերյալ համաձայնագրի Եվրամիությունից երկրի դուրս գալը:

Այսպիսով՝ սեպտեմբերի 3-ին, խորհրդարանը կբացի նստաշրջանը, ապա դրանից հետո սեպտեմբերի 9-ին նստաշրջանը կկասեցվի եւ կվերսկսվի հոկտեմբերի 14-ին: Համայնքների պալատը կկարողանա քննարկել կառավարության ծրագիրը, այդ թվում՝ նրա մոտեցումը Brexit-ի իրագործմանը ԵՄ-ի՝ հոկտեմբերի 17-18-ի գազաթաժողովի նախաշեմին, իսկ այնուհետեւ քվեարկել հոկտեմբերի 21-ին եւ 22-ին:

ԲՐԱԶԻԼԻԱ ԱՄԱԶՈՆԻԱՅՈՒՄ ՀՐԴԵՀՆԵՐԸ՝ ՄԹԵՍ ԵՐԿՐԱԳՆԴԻ ՀԱՄԱՐ

Ամազոնիայում կրակի ընդգրկում օջախները «լրացուցիչ սթրես են դարձել երկրագնդի կլիմայի եւ բնական միջավայրի համար Արկտիկայում հունիսյան եւ հուլիսյան հրդեհներից հետո»: Օգոստոսի առաջին 25 օրվա ընթացքում մթնոլորտ է լցվել 255 տոննա ածխածնի երկօքսիդ, օգոստոսի 28-ին ժնեւում հայտնել է Օդերեւութաբանության համաշխարհային կազմակերպությունը (ՕԶԿ):

ՕԶԿ-ը նշում է, որ Ամազոնիայում գրանցվել է գրեթե 4 հազար հրդեհ, որոնք «օգոստոսի 1-ից մինչեւ 25-ը հանգեցրել են 255 մեգատոննա ածխածնի երկօքսիդի, ինչպես նաեւ ածխածնի օքսիդի արտանետման»:  
«Ամազոնիայում հրդեհները հաջորդեցին Սիբիրում եւ Արկտիկայի, Գրենլանդիայի եւ Ալյասկայի շրջաններում հունիսյան եւ հուլիսյան աննախադեպ հրդեհներին»,- հիշեցնում է ՕԶԿ-ը: Ներկայում, բացի Ամազոնիայից, կրակի լայնամասշտաբ օջախներ են արձանագրվել Աֆրիկայի հարավային արեւադարձային գոտու երկրներում, մասնավորապես, Անգոլայում:

# Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

## ԽՈՐՀՐԴԱՐԱՆ

### ԱՇՆԱՆԱՅԻՆ ՆԱՏԱՇՐՋԱՆԸ ԿԲԱՑԿԻ ՍԵՊՏԵՄԲԵՐԻ 3-ԻՆ


Վրաստանի խորհրդարանը աշնանային նստաշրջանի կսկսի սեպտեմբերի առաջին երեքշաբթի օրը, լիազույժար նիստը կկայանա սեպտեմբերի 3-ին, բայց մինչ այդ պատգամավորները կհանդիպեն բյուրոյի ձեռնաչափով:

Խորհրդարանի պաշտոնական կայքէջը տեղեկացնում է, որ աշնանային նստաշրջանի շրջանակներում՝ օրենսդիր մարմինը պետք է կայացնի մի շարք կարևոր կադրային որոշումներ, այդ թվում՝ Գերագույն դատարանի դատավորների թեկնածուների լսումը եւ 20 դատավորների ընտրությունը:

Բացի այդ, խորհրդարանը կկսի տարեկան գեկույցներ, որոնք հետաձգվել են գարնանային նստաշրջանում: Դրանց թվում են Վրաստանի վարչապետի, Հանրային պաշտպանի, Գլխավոր դատախազի եւ առողջի ծառայության հաշվետվությունները: Գարնանային նստաշրջանում Մամուկա Բախտաձեի լսումները հետաձգվել են հունիսի 20-ի դեպքերի պատճառով, իսկ գլխավոր դատախազի լսումները, հավանաբար, Գերագույն դատարանի դատավորների ընտրության գործընթացին նրա մասնակցության պատճառով:



Ըստ կանոնակարգի՝ աշնանային նստաշրջանը կկապվի դեկտեմբերի երրորդ ուրբաթ օրը:



### ՕԳՈՍՏՈՍԻ 28-ԻՆ ՎՐԱՍՏԱՆՈՒՄ ՆՇՎԵՑ ՄԱՅՐԱՄՈՒԲԱՆ

Օգոստոսի 28-ին Վրաց ուղղափառ եկեղեցին նշեց Սուրբ Աստվածածնի վերափոխման տոնը՝ Մարիամոբան:

Տոնի կապակցությամբ Համայն Վրաստանի Կաթողիկոս-Պատրիարք Իլիա Երկրորդը տոնական պատարագ մատուցեց Սիոնիի Մայր տաճարում: Սուրբ պատարագին ներկա էին Վրաստանի գործադիր եւ օրենսդիր մարմինների, Վրաստանում հավատարմագրված դիվանագիտական կորպուսի ներկայացուցիչներ:

Մարիամը Վրաստանում ամենատարածված անուններից մեկն է: Ըստ Վրաստանի Արդարադատության նախարարության պետական ծառայությունների զարգացման գործակալության՝ երկրում Մարիամ անունով ավելի քան 100 հազար կին կա:

Մարիամ անվանումն ունի բազում նշանակություններ: Հին հրեական լեզվից թարգմանած նշանակում է դառնության ծով, քանի որ Սբ. Մարիամի լույս աշխարհ գալու ժամանակաշրջանը հրեաների համար ծանր է եղել: Եկեղեցականները պնդում են, որ այդ անվանումը եզրակացվել է թարգմանած նշանակում է տիրուհի, Աստծո սիրեցյալ, եւ այս անունը համարում են աշխարհի ամենագեղեցիկ ու իր էությանը հզոր անունը, քանի որ այս անունով աղջկան է ընտրել Աստված իր զավակի մոր համար:

### ՆԵՐՈՒՄ ՄԱՅՐԱՄՈՒԲԱՆ ՏՈՆԻ ԿԱՊԱԿՑՈՒԹՅԱՐԸ

Վրաստանի նախագահ Սալոմե Ջուրաբիշվիլին 34 կալանավորների ներում է շնորհել Սուրբ Աստվածածնի վերափոխման տոնի Մարիամոբայի կապակցությամբ: Ներման արժանացածների թվում կա մեկ անչափահաս եւ ութ կին:

Հիշեցնենք, որ 2018 թվականի դեկտեմբերից հետո մինչ օրս նախագահը ներում է շնորհել 91 դատապարտյալի:

### ԿԳՈՐԾԻ «ՖՈՐՄՈՒԼԱ» ՀԵՌՈՒՄՏԱԸՆԿԵՐՈՒԹՅՈՒՆԸ

Հոկտեմբերի 1-ից Վրաստանի ողջ տարածքով հեռարձակումը կսկսի Վրաստանի պաշտպանության նախկին նախարար Դավիթ Կեզերաշվիլու կողմից ֆինանսավորվող «Ֆորմուլա» հեռուստաընկերությունը: Հաղորդակցությունների հանձնաժողովը «Ֆորմուլա ՄՊԸ»-ին ձեռնակերպել է որպես հեռարձակման մասնավոր սուբյեկտ եւ շնորհել հեղինակավորման հավաստագիր:

## ՎԱՐԿԱՆԻՇ

### ՀՈԿՏԵՄԲԵՐԻ 1-ԻՑ ՇՎԵՅՑԱՐԻԱՆ ՎՐԱՍՏԱՆԸ ԿՆԵՐԱՈՒ ԱՆՎՏԱՆԳ ԵՐԿՐՆԵՐԻ ՑՈՒՑԱԿՈՒՄ



Հոկտեմբերի 1-ից Շվեյցարիան Վրաստանը կներառի անվտանգ երկրների ցուցակում: Այս մասին ասված է Շվեյցարիայի դաշնային խորհրդի կայքում հրապարակված հայտարարության մեջ:

Հայտարարության համաձայն, անվտանգ երկիր ճանաչելուց հետո ապաստան փնտրող Վրաստանի քաղաքացիների հայրենիք վերադառնալը կլինի ողջամիտ:

Շվեյցարիայի դաշնային խորհրդում նշում են, որ այս կան երկրի անվտանգ ճանաչելու հիմնական չափանիշներն են՝ մարդու իրավունքների հարգումը, քաղաքական կայունությունը, առողջապահության համակարգը, ինչպես նաեւ Եվրամիության այլ երկրների եւ ՄԱԿ-ի գնահատականները:

Շվեյցարիայի դաշնային խորհրդի հայտարարությամբ՝ 2017 թվականից ի վեր Շվեյցարիայում եւ Եվրամիության այլ երկրներում ավելացել է ապաստան փնտրող Վրաստանի քաղաքացիների թիվը, ինչը կապված է Վրաստանի համար անայցեգրային ռեժիմի հաստատման հետ:

Դաշնային խորհուրդը նշում է, որ Վրաստանի որպես անվտանգ երկիր ճանաչումը հստակ ազդանշան է, որ Շվեյցարիան օգտագործում է բոլոր անհրաժեշտ միջոցները ապաստան փնտրողների չլիմանավորված դիմումների քանակը նվազեցնելու համար:



ԾԱԾԱՆՈԹՈՒԹՅՈՒՆ  
ՆԱՅՆԱՆՇՐՈՒՄ

## ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

### ԲԱՑԱՐԱՅՏՎԵԼ Է ՀԱՐԿԱՅԻՆ

### ՕՐԵՆԱՐՈՒԹՅԱՆ ԽԱՆՏՄԱՆ 608 ԴԵՊԸ

Օգոստոսի 19-ից օգոստոսի 26-ը ներառյալ, Վրաստանի ֆինանսների նախարարության եկամուտների ծառայության հարկային մոնիտորինգի դեպարտամենտի կողմից, երկրի ողջ տարածքով անցկացված ստուգիչ միջոցառումների արդյունքում, բացահայտվել է հարկային օրենսդրության խախտման 608 դեպք:

Մասնավորապես, ֆինանսների նախարարության եկամուտների ծառայության հարկային մոնիտորինգի դեպարտամենտի աշխատակիցները ստուգել են 3600 հարկատուի: Ստուգման արդյունքում բացահայտվել են հարկային օրենսդրության հետեւյալ խախտումները. առանց ապրանքագրերի ապրանքների փոխադրման 126 փաստ, տնտեսական գործունեության իրականացման համար՝ հարկատուի կողմից օրենսդրությամբ սահմանված կարգի 41 դեպք, կանխիկ գումարներով առքուվաճառքի ժամանակ՝ զանազան կարգի անտեսման 411 փաստ:

### ԲԱՑԱՐԱՅՏՎԵԼ Է ԱՌԱՆՁ ԱԿՅՈՒՅԻ ՍԻԳՐԵՏԻ ՓՈԽՄԱՐՄԱՆ ՓԱՍՏ

Օգոստոսի 26-ին Վրաստանի ֆինանսների նախարարության եկամուտների ծառայության հարկային մոնիտորինգի դեպարտամենտի մոնիտորինգի վարչության աշխատակիցները եւ ներքին գործերի նախարարության պարեկային ոստիկանության դեպարտամենտի աշխատակիցները, համատեղ իրականացված միջոցառումների արդյունքում, հայտնաբերել են ակցիզային դրոշմման պարտադիր

ենթակա ապրանքի՝ սիգարետի առանց ակցիզի փոխադրման փաստ: Հայտնաբերվել է առանց ակցիզի 4600 զևանակ:

Վրաստանի հարկային օրենսգրքի համաձայն, իրավախախտում թույլ տրված քաղաքացու ապրանքը առգրավվել է, գործը հետաքննության համար առաքվել է համապատասխան գերատեսչությանը:

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

### RS CAR-Ի ՄՊԱՍԱՐԿՈՒՄՆԵՐԸ ՀԱՐԿԱՏՈՒՆԵՐԻՆ

Սեպտեմբերի 2-26-ը, Վրաստանի ֆինանսների նախարարության եկամուտների ծառայության շարժական սերվիս-կենտրոն RS CAR-ը հարկատուներին սպասարկումներ կմատուցի երկրի մասշտաբով 32 վայրերում, այն երկրամասերում, որտեղ տեղակայված չեն եկամուտների ծառայության սերվիս-կենտրոնները:

RS CAR միկրոավտոբուսը հազեցած է եկամուտների ծառայության սերվիս-կենտրոններում առկա տեխնիկական միջոցներին համապատասխան: Հարկատուները կարող են իրենց հարմար ժամանակահատվածում, առանց բնակավայրից դուրս գալու, ժամանակին ստանալ ցանկալի սպասարկում:

Եկամուտների ծառայության RS CAR շարժական սերվիս-կենտրոնը սեպտեմբերի 2-ին կգործի Թեթրիժղարոյում, Թամար թագուհու թիվ 34-ում, վարչության հարակից տարածքում, սեպտեմբերի 19-ին՝ Ասպինձա-յում, Թամար թագուհու փողոցում, «TBC բանկ» հարակից տարածքում, սեպտեմբերի 20-ին՝ Նինոծմինդայում, Պուշկինի փողոցում, վարչության շենքի հարակից տարածքում:

Նշենք, որ բոլոր վերոնշյալ վայրերում շարժական RS CAR սերվիս-կենտրոնները կգործեն ժամը 10:00-17:00-ը:



ՕԳՈՍՏՈՍԻ 24-Ը ՎՐԱՍՏԱՆԻ ՍԱՀՄԱՆԱԴՐՈՒԹՅԱՆ ՕՐԸ Է

## «ԵՐԿՐԻ ՍԱՀՄԱՆԱԴՐՈՒԹՅԱՆ ԵՎ ԱԶԳԱՅԻՆ ՇԱՐԵՐԻ ՊԱՇՏՊԱՆՈՒԹՅԱՆ ԱՌԱՔԵԼՈՒԹՅՈՒՆ»

(Սկիզբը՝ 1-ին էջում)

տությունը: 24 տարի է անցել այն օրից, երբ Վրաստանն արեց եւս մեկ սկզբունքային քայլ՝ ժողովրդավարական զարգացման ճանապարհին եւ ընդունեց երկրի հիմնական օրենքը, Վրաստանի Սահմանադրությունը: Սա, իհարկե, նոր էջ էր մեր բազմադարյա պատմության մեջ, հայտարարել է Մամուկա Բախտաձեն:

Վարչապետն ընդգծել է Սահմանադրության նոր խմբագրությունը եւ նշել, որ այն հիմնված է Առաջին Հանրապետության Սահմանադրության վրա: «Ո՛չ ներքին եւ ո՛չ էլ արտաքին թշնամին չեն եղել Առաջին Հանրապետության դեպի ազատություն ձգտումը, եւ այսօր մենք, մեր մեծ նախնիների զավակներս, ունենք առանձնահատուկ առաքելություն, որպեսզի պահպանենք Վրաստանի Սահմանադրությունը եւ պաշտպանենք մեր ազգային շահերը»,- ասել է Վրաստանի վարչապետ Մամուկա Բախտաձեն: Կառավարության ղեկավարի խոսքով,

այս 24 տարիների ընթացքում Վրաստանի Սահմանադրությունում մտցվեցին որոշ փոփոխություններ, կային նաեւ ծանր միջամտություններ, որը չէր ծառայում Վրաստանում ժողովրդավարության կայունացմանը:

- Հենց այդ պատճառով, մեր քաղաքական թիմը պետական շահերից եւ, առաջին հերթին, մեր հանրության հաստատուն կամքից ելնելով, ընդունեց Սահմանադրություն, երկրի գլխավոր փաստաթղթի նոր խմբագրությունը, որում արտացոլվեցին մեր ժողովրդի համար անենահրատապ եւ զգայուն հարցեր: Այսօր մենք ողջ պատասխանատվությամբ կարող ենք հայտարարել, որ Վրաստանն ունի ժողովրդավարական արժեքների վրա հիմնված, արդի եվրոպական, արեւմտյան տիպի եւ մեր ազգային շահերին հարմարեցված Սահմանադրություն,- նշել է կառավարության ղեկավարը:

Սահմանադրության օրվան նվիրված ընդունելությանը իր խոսքում Վրաստանի նախագահը առանձնակի կանգ առավ

իշխանության ճյուղերի միջեւ իրավասությունների Սահմանադրությամբ սահմանված հիմնադրույթներին, նշելով, որ շատերը թյուր պատկերացում ունեն սահմանված իրավասությունների շրջանակների վերաբերյալ: Նրա խոսքով, ինքը որպես նախագահ իր իրավասությունն է համարում՝ ակտիվ միջամտությունը երկրի ներքին եւ արտաքին քաղաքական զարգացումներին, ջանքերի գործադրումը արտաքին քաղաքականության ասպարեզում Վրաստանի ինքնիշխանության, տարածքային ամբողջականության պաշտպանությանն ուղղված միջազգային հանրության աջակցության ապահովման, Վրաստանի եվրոպական եւ եվրատլանտյան կառույցներին ինտեգրման գործընթացին նպաստելու համար:



Վրաստանի նախագահի նստավայրում կայացած ընդունելությանը ցուցադրվեցին Վրաստանի ազգային արխիվում պահպանված փաստաթղթերը, ներկայացվեցին 1921 եւ 1995 թվականի Սահմանադրության բնօրինակները, ինչպես նաեւ թեմայի հետ կապված պատմական փաստաթղթերն ու լուսանկարները: Հիշեցնենք, որ Վրաստանում ներկայիս Սահմանադրությունը ընդունվել էր 1995 թվականի օգոստոսի 24-ին:

### ՇՆՈՐՀԱՆԴԵՍ

## ՍԱԹԽԱՅՈՒՄ ԲԱՑԿԵՑ ՏԱՐԱԾԱՇՐՋԱՆԻ ԱՄԵՆԱՅԱԳԵՑՎԱԾ ԱԶԳԱԳՐԱԿԱՆ ԹԱՆԳԱՐԱՆԸ

**Օգոստոսի 24-ին Նինոծմինդայի մունիցիպալիտետի Սաթխա գյուղում կայացավ ազգագրական նոր թանգարանի հանդիսավոր բացման արարողությունը:**

Տեղացի, իր բարեգործություններով հայտնի Իսոյանների ընտանիքի ֆինանսական միջոցներով կառուցված թանգարանի բացման արարողությանը խոսքով հանդես եկան արարողության կազմկոմիտեի ղեկավար Աշոտ Ծառուկյանը, բանաստեղծ, ազգագրագետ, բանասիավար Ալբերտ Իսախրյանը, պատմական գիտությունների թեկնածու Արտյուր Սանոսյանը, տեղական դպրոցի նախկին տնօրեն, վաստակաշատ ուսուցիչ Պետրոս Ոսկանյանը, Նինոծմինդայի մունիցիպալիտետի մշակույթի, սպորտի ծառայության պետ Ժորա Սնիչյանը, բարերար Արթուր Իսոյանը, Ախալքալաքի մունիցիպալիտետի սակրեբուլոյի անդամ Համլետ Մովսիսյանը:

Նշենք, որ թանգարանում ցուցադրված մի շարք հնագույն ցուցանմուշները, ներառյալ հավաքածուները, որոնք հավաքվել են հենց Ալբերտ Իսոյանի կողմից:

Իր խոսքում Ալբերտ Իսոյանը նշեց. - Մանկուց, դպրոցական տարիներից ես սիրում էի հնաոճ իրեր: Երբ ժամանակի ընթացքում դրանք շատացան, հատկապես, երբ գտնվեցին 18-րդ դարի մեր կորցրած եկեղեցական գրքերը, եւ որոշեցի տանը թանգարանի համար հատկացնել սենյակ: Այս գաղափարը հետզհետե այնքան հասունացավ, որ այն դարձավ իսկական թանգարան: Եվ այսօր ահա այս գաղափարը իրականություն է դարձել:

Նրա հաղորդմամբ՝ թանգարանը կփոխանցվի պետությանը, վերջինս էլ

կնշանակի տնօրենին եւ աշխատակիցներին:

Մեկ անգամ եւս ընդգծենք, որ այս հիմնադրամի թանգարանը կառուցվել է Արթուր, Արմինե, Ալբերտ եւ Ազատ Իսոյանների ֆինանսավորմամբ:

Ախալքալաքից եւ Նինոծմինդայից Վրաստանի խորհրդարանի մեծամասնական պատգամավոր Հենզել Մկոյանը բարձր գնահատեց Իսոյան ընտանիքի բարեգործական առաքելությունը, նշելով, որ սույն կրթամշակութային օջախը ուրույն տեղ կգրավի երիտասարդ սերնդի դաստիարակության գործում: «Այսօր ինձ համար մեծ տոն է: Բոլորին շնորհավորում եմ այս գեղեցիկ օրվա առիթով: Ցանկանում եմ իմ երախտիքը հայտնել Իսոյանների ընտանիքին, ում ֆինանսավորմամբ կառուցվեց այս թանգարանը: Իսոյանների ընտանիքի ցանկությունն է մունիցիպալիտետին խորհրդանշական 1 լարիի արժեքով նվիրաբերել ազգագրական թանգարանը»,- ասաց Հենզել Մկոյանը:

Թանգարանի բացմանը հետեւեց տնօրինիչի արարողությունը, որի ավարտին օրհնության եւ շնորհավորանքի խոսքով ներկաներին դիմեց Վիրահայոց թեմի առաջնորդական տեղապահ Կիրակոս վարդապետ Դավթյանը, այնուհետեւ՝ Սամցխե-Ջավախեթի եւ Ծալկայի ընդհանուր առաջնորդական փոխանորդ Մաղաքիա վարդապետ Ամիրյանը:



Ավելացնենք, որ Իսոյանների ընտանիքի ֆինանսավորմամբ, թանգարանի ճանապարհին կառուցվել է կամուրջ, որի բացումն էլ կայացավ վերոնշյալ շնորհանդեսի շրջանակներում: Ի պատիվ թանգարանի բացման, կազմակերպվել էր տոնական համերգ, որին մասնակցեցին կատարողներ Հայաստանից, Թբիլիսիից, Ախալցխեից, Ախալքալաքից եւ Նինոծմինդայից: Հյուրերի համար կազմակերպվել էր տոնական հյուրասիրություն:

Ազգագրական թանգարանի բացման արարողությանը ներկա էին Վրաստանում Հայաստանի արտակարգ եւ լիազոր դեսպան Ռուբեն Սաղոյանը, Ախալքալաքի եւ Գումուրդոյի վարդապետ Տեր Նիկողոզը, Նինոծմինդայի եւ Ախալքալաքի տեղական իշխանությունները եւ այլք:

**ԵՎԳԵՆՅԱ ԿԱՐԱՊԵՏՅԱՆ**  
**գ.Սաթխա**

Նինոծմինդայի մունիցիպալիտետ

### ԱՎԱՆԴՈՒՅՑ

## ԳՈՒՐԻ ԵԹԵՐԻ ՊՈՆԶԻԱՅԻ ՕՐԸ ԱԽԱԼՔԱԼԱՔԻՈՒՄ

**Օգոստոսի 25-ին Ախալքալաքիում, Խաս Բախա զբոսայգում, անցկացվեց տուրքխեցի բանաստեղծ, երջանկահիշատակ Գուրի Եթերին նվիրված ավանդական միջոցառումը:**



Միջոցառումը կազմակերպել էր բանաստեղծի դստեր՝ Անի Եթերի կողմից, որը Կոմիտասի անվան Երեւանի պետական կոնսերվատորիայի մագիստրատուրայի ուսանող է:

- Արդեն հինգերորդ տարին է, մենք նշում ենք Գուրի Եթերի պոեզիայի օրը: Այն տեղի է ունենում ամեն տարի, օգոստոսի վերջին: Երկու անգամ մենք կազմակերպել ենք այն Տուրքխեում՝ բանաստեղծի հայրենի գյուղում, 2 անգամ Ախալքալաքի մշակույթի տանը, իսկ ահա այժմ՝ Խաս Բախա զբոսայգում,- իր խոսքում ընդգծեց Անի Եթերը:

Նշենք, որ նրանից բացի ավանդական միջոցառմանը մասնակցում էին նաեւ բանաստեղծի եւս երկու դուստրերն ու կինը:

Երիտասարդ տղաներն ու աղջիկները, որոնց շարքում էին Ջավախեթի աշուղ Ալիկ Քսայոյանի աշակերտներն ու ընթերցեցին Գուրի Եթերի բանաստեղծությունները, ինչպես նաեւ կատարեցին Սայաթ-Նովայի, Շ.Ռուսթավելու, Կոմիտասի տարբեր երաժշտական կոմպոզիցիաներ, ժողովրդական երգեր:

Գուրի Եթերի մասին իր բանաստեղծությունը միջոցառման մասնակիցներին ներկայացրեց բանաստեղծուհի Եվա Չիվչյանը:

**ԵՎԱ ՉԻՎՉՅԱՆ**

Ախալքալաքի

### ԵՆԹԱԿԱՌՈՒՅՑ

## ՆԻՆՈՇՄԻՆԴԱՅԻ ՄՈՒՆԻՑԻՊԱԼԻՏԵՏԻ ԻՆԸ ԳՅՈՒԴԵՐՈՒՄ ՍԿՍՎԵԼ Է ԱՄԲՈՒԼԱՏՈՐԻԱՆԵՐԻ ԾԻՆԱՐԱՐՈՒԹՅՈՒՆԸ

**Այս տարի Նինոծմինդայի մունիցիպալիտետի գյուղերում կկառուցվի 9 ամբուլատորիա: Այս բոլոր աշխատանքների համար քաղաքապետարանը հատկացրել է 560 750 լարի:**

Արդեն հայտարարվել են ամբուլատորիաների շինարարության տեղերները: Հիմնականում, շահող ընկերություններն արդեն հայտնի են: Ընթանում է փաստաթղթերի պատրաստումը, գնահատումը եւ հաշվարկը:

Ընդհանուր առմամբ, մունիցիպալիտետի Մամգարա գյուղում կառուցվելիք ամ-

բուլատորիայի շինարարության համար ծրագրվել է ծախսել 68 250 լարի, Մեծ Գոնդուրա գյուղում բուժական այդ հիմնարկի շինարարության համար հատկացվում է 67 550 լարի, Իսկ Տամբովկա գյուղում՝ 50 700 լարի:

Այս աշխատանքների իրականացման մրցույթը շահել է «Ամխանագենո տարո-

լի» ընկերությունը: Նախնական գումարը 186 500 լարի էր, ընկերությունը աշխատանքները շահել է 181 000 լարով:

Մեծ Խանջալի գյուղում՝ 67 650 լարի, Մեծ Արագյալ գյուղում՝ 68 200 լարի եւ Փոքր Խանջալի գյուղում՝ 50 250 լարի ընդհանուր գումարով ամբուլատորիաների շինարարության մրցույթը 181,000 լարով՝ նախնական 181 100 լարի պայմաններում շահել է «Օվալի» ՍՊԸ-ն, թեպետ, փաստաթղթերի պակասի պատճառով, որակագրվել էր եւ շինարարու-

թյան իրավունքը 181 777 լարի գումարի չափով փոխանցվեց անհատ ձեռնե-

րեց Աղվան Քոսյանին: Ինչ վերաբերում է 52 500 լարով ժլանովականի, 67 950 լարով Ջիգրաշենի եւ 67 700 լարով Թորիայի ամբուլատորիաների շինարարության մրցույթին, ապա այն նախնական 188 150 լարի պայմաններում 179 900 լարով շահեց անհատ ձեռնեյրեց Աղվան Քոսյանը:

**ՇՈՒԷՆԱ ՇԻՐԻՆՅԱՆ**